

Saksprotokoll i Ungdommens fylkesutval - 12.12.2014

Vedtak

UFU vedtok følgjande endringar til endringsforslaga til vedtektene for Ungdommens fylkesting og Ungdommens fylkesutval:

- Nokre grammatiske rettingar, samt endre fontar i overskrifter for å gjere dei meir tydelegare.
- §1.2: Her kan det sjå ut til at ein med Hordaland fylkeskommune meiner administrasjonen. Dei to omgrepa byttast derfor ut og «*i Hordaland fylkeskommune*» vert lagt til på slutet av setninga.
- §2.2: Det er lagt til «, og *Ungdommens fylkesutval sine møter*,». Denne paragrafen handlar om Ungdommens fylkesting, det er derfor meir naturleg at det vert oppretta eit nytt punkt under Ungdommens fylkesutval der ein skriv at «*Møter i Ungdommens fylkesutval er opne for alle som er interessert.*»
- 2.4: Setninga «*Utdjupningsdokumentet kan endrast med 2/3 fleirtal på Ungdommens fylkesting.*» til sist i punktet, da dette berre er unntaksvis.
- Samansetting av Ungdommens fylkesting: Det er ikkje skrivne nokre stader kven som er delegatar eller kva det betyr. Det vert bestemt å legge til «...som delegatar.» på slutet av første setning i §2.6, samt at første setning i §2.18 vert endra til «*Alle medlemar og varamedlemar av Ungdommens fylkesutval er delegatar til Ungdommens fylkesting på lik linje med valde representantar frå kommunane.*» Det vert og betsemt at §2.18 vert eit nytt punkt 2.9, da dette har med samansettinga av Ungdommens fylkesting å gjere.
- §2.9 og §2.10: «...i samsvar med sakslista...» i §2.9 vert fjerna og «...for å orientere om ein skilde sakar...» vert lagt til på slutet av setninga, samt at heile §2.10 vert fjerna.
- Nåverande §2.9, 2.19 og 2.20 får nye nummer.
- Det vert bestemt at alle avsnitta om komiteane vert byrja med noko slikt som: «*Ungdommens fylkesting vel valkomite på minimum tre personar etter innstilling frå Ungdommens fylkesutval.*» Det er dels for å tydeliggjere kven som skal gjere kva, og for å standardisere avsnitta litt.
- §2.21: Andre setning vert endra til: «*Desse kan veljast mellom...*».
- §2.22: Legge til at medlemane vert vald bland delegatane på Ungdommens fylkesting.
- §2.23: Siste setninga her seier berre noko om at kontrollkomiteen har tale- og forslagsrett på Ungdommens fylkesutval sine møter, ikkje Ungdommens fylkesting. Denne setninga flyttast til paragrafen som handlar om Ungdommens fylkesutval og ein tilsvarande opprettast for Ungdommens fylkesting. Begge setningane bør ha som tillegg at tale- og forslagsrett er avgrensa til komiteen sitt arbeidsområde, slik at ikkje personar som ikkje er ein del av Ungdommens fylkesting kan delta i den politiske diskusjonen og kome med forslag innanfor alle områder.
- §3.3: Det vert anbefala at de vurderer ordet fremje i dette punktet.
- §3.5: «*Ei varamannsliste på fem personar.*» vert endra til «*fem varamedlemar.*», slik at ikkje varamedlema vert avgrensa til menn.
- §3.6: Val av Ungdommens fylkesutval er slik det står nå forvirrande. Administrasjonen ser føre seg to alternativ, men uansett må punktet skrivast om, samt at det må leggjast til at dei berre kan veljast bland delegatane på Ungdommens fylkesting. Det vert vald leiar (1 år), nestleiar (1 år) og 3 medlemar (2 for to år og 1 for eitt år), 2 er med frå året før.
- §3.7: Særskilde val endrast til personval.
- §3.8: «*Alle delar av fylket skal vere representert*» vert fjerna og «*geografisk spreining*» vert lagt inn føre alder i nåverande tredje setning.
- §3.14: *kan fatte vedtak* vert endra til *vert vedtaksfør*.